

Z cyklu - felietónowé wiérztë - 55

Kò to sã nie miescy w głowie,  
Cëż dzeje sã we Wejrowie!  
Lëdzëska robią téatrë  
Do kùńsztów wszelaczëch chãtné  
A tuwò jedna jim z drëdżim  
Cãżką robòtã niweczã...

Hewò ju lateczné lata  
Krótëchno przed Zmartwëchwstanim  
Pòkòzywónò je Pasja  
Na żëwò i z aktoramë

Wiérno, tak jak z Testameńtu  
Òdegriwóné są role  
Przepëszno pòprzezeblekli  
Farwny bùtnowi szpetòczel

Są i Marija, i Jezës  
Karno, co spiéwie dlò Méstra  
Żòńnierze rżimsczi i żëdze  
Z brodama tak na pól métra

Zbawicél w pierszim pòkòzkù  
Wjéżdżiwò do Jeruzalem  
Pùblicznosc z stolëmnym trzòskã  
Witiwò Gò hòsannamë

Rédëje Jezës na òsle  
Bez brómã, prosto na miasto  
A latos tak-cos roznieslë,  
Co zwierzã miało za cãżkò

A że za ézla bët pony  
A że bët Jezës ùtëti  
A że téatrów nie nõ'żen  
A że sã wnet krwawò zmòknął

Tak żòl ba jima bidlątka,  
Że Jezësa mielë zabëté  
I gòrzczé żale zewsządka  
Pòzalałë internetë

I zrobia sã bùten szëkù  
Tec nie je ò tim misterium  
Sadnãlë starszi na bòkù  
A robic co, meditëją:

- Dwie drodżi widzã stąd wińscô -

Rzekł, co miôł brodã do kòlan:

- Kasting na rolã zmiarcészã

Abò na wikszégò kònia

- Jò, mówi zarosłi słabi -

Dôł bë Mù tu wjachac kładã

Òd miejsczi wez niemë strażi

Niech rôz przëbądze z paradã

Nôstarszi, co miôł òn brodã

Bez pùczlëskò przewieszoné

Wësapôł: wa sã nie znôta,

To mô bëc òseł skùńczony

Tak w Pismie pisóné stoi

I tak zrobioné bëc mùszi!

Ùradzta lepi, kamrôcë,

Skądka nôlepi gò kùpic!

Bez noc rozrzeszëlë sprawë,

Jaż òd te kãsk główka bòli:

Nôteńszé bãdã z Warszawë!

Nôlepszé bãdã z Brukseli!

Tómk Fópka, Chwaszczëno, 25 strumiannika 2024 rokù, gòdz. 7.13 d.p.

Źródło: komentarze do

<https://www.facebook.com/share/p/2eKUnXmFS6CK57At/>